

皇

明

史

概

皇明大事記目錄

第一卷

淮右起義

江南定鼎

第二卷

韓林兒

附劉福通

毛貴

白不信

吳天保

俞君正

田豐

鄧忠

平陳友諒

第三卷

平張士誠

平方國真

第四卷

平中原西北

平福建兩廣

平夏

第五卷

平雲南

附諸夷

諸甸

附劉太僕演論

張統銅漏銘

王奎自銘并撰韓宜可銘

王奎撰黔寧王祠堂碑

程本立撰黔王廟碑

張統撰弔國使王翰林文

雲南水路

李元陽黑水辨

董難百濮考

孔明

傅公父子

儒僧

紀山

紀水

卷六

祀典

皇陵太廟

第七卷

樂章

第八卷

學校

追祀

附錄
功臣廟

旗纛廟

城隍廟

忠臣廟

馬神

五祀之神

外郡各廟

無祀鬼神

第九卷

祀事

封建

高皇帝御製及纂輯諸書

第十卷

封賞

選舉

第十一卷

朝鮮

第十二卷

平西南諸蠻

第十三卷

諸夷朝貢

第十四卷

北兵

開設貴州

第十五卷

安南叛服

第十六卷

北征

附金文靖北征記 後北征記

平高煦

喜峰口外破虜

第十七卷

撫勦叛氓

計寧陵縣 大率桂林 鍾均道 陳

未定

唐養兒 章敬曉 於江海 董豪盛

浙直豪頑

雲山縣 陳才 新淦縣 南溪

諸縣

錢成言 三縣刁頑 蕭彥真 顏福

祐 游僧

復設廣安州千戶 朱南勝 夏

九旭

曾法良

平閩寇

平浙寇

附鄭未祖 陳鑑湖 黃蕭養

蜀寇叛服

第十八卷

雲南府司沿革

附車里

孟養

八百大甸

孟

定南甸

芒市

鎮康

灣甸

大候

成

速

干崖

老撾

孟良

景東

沅江

麗

江

璧莫

孟連

茶山

里麻

保山

蒲

人

貢道上路

下路

平麓川

平緬甸

第十九卷

北狩

復辟

曹石伏誅

第二十卷

安撫流民

改斷藤峽

石坡土達

平都蠻

第二十一卷

汪直專恣

開設猛密

蔣琮驕橫

平普安賊

平清平苗

第二十二卷

召對

第二十三卷

平蜀寇

平江西賊

平三省劇寇

平彬桂賊

第二十四卷

平安化

平寧藩

宋人構逆

第二十五卷

平河北寇

劉瑾之變

第二十六卷

江彬亂政

錢寧

第二十七卷

大禮

第二十八卷

更定郊祀

顯陵合葬

第二十九卷

世宗召對

第三十卷

甘州兵變

大同兵變

大同再變

遼東兵變

南京兵變

榆林兵亂

井陘兵亂

太原兵變

定海兵亂

蘇州打行

第三十一卷

平田州蠻

龍州

憑祥

平湖貴苗

第三十二卷

李福達之獄

張容

陳洸 卅李鑑 張福

張延齡之獄

夏言之獄

王聯

第三十三卷

卷答入寇

追殺仇儒

郭勛繫死

第三十四卷

外城

薊鎮邊防

第三十五卷

宣夫邊防

陝西四鎮

邊儲

第三十六卷

嚴嵩

陸炳

第三十七卷

青州礦賊

馬祖師

閩廣賊

韋銀豹

黃中

吳平

魯一本

葉州棧

礦賊

第三十八卷

閑臣

第三十九卷

神宗

第四十卷

國本

第四十一卷

平府江

杭州兵燹

四夷

三寨

壺溪

建昌

麻力

第四十二卷

寧夏之變

平播州

遵義連陷

第四十三卷

副刻

第四十四卷

楚事

礮稅

第四十五卷

副刻

第四十六卷

紅丸

第四十七卷

移宮

第四十八卷

廟刻

第四十九卷

讀孽

第五十卷

黔孽

三月二十八日

皇明大事記卷之一

少師建極殿大學士臣朱國禎謹輯

大明太祖高皇帝家世履歷與起兵渡江梗概已見
御製大政記及滁陽王傳中第天授雖奇百神雖在在
擁護而中間辛苦頓挫與危迫存亡之際上繫虞舜下
較漢祖不啻過且倍之此亦自來創業之主所未有者
蓋時方未至神龍潛淵猶可言也將至未卽至之間溷
于泥淖困於魚鰈其可奈何事旣絕異語又絕多國史
見其大凡諸家不無小異爲再采摘冠於大事之首乃
若延攬英雄褒卹忠義則太祖氣魄精神全注于此

不得以一時一事論也

淮右起義

皇大父 熙祖太后王氏既遷泗州二子長壽春王次

仁祖太后陳氏四子長南昌王

靖江王其後

次盱眙王次臨

淮王 上其季也 仁祖年五十遷鍾離之東鄉 上

生已三年矣甲申 上年十七旱蝗民饑大疫四月六

日 仁祖崩年六十四九日南昌王薨二十二日 陳

太后崩年五十九盱眙臨淮二王亦他徙

沒無後

上無

所依從隣汪媼

一日隣人江文

議遵先志託身皇覺寺媼爲具

少儀物得禮寺僧高彬爲師僅五十日歲儉乏食各散

去

上西遊

見大政記

凡三年復歸寺中壬辰二月郭子興

據濠州寺被焚僧又散去

上亦出避上倡義吉

見御製

猶未信固守以待未旬日有故人自亂中以書來招曰

今四方兵起人無寧居非田野間所能保守時也盍從

我以自全上覽畢卽焚之數日復有來告曰前日人

以書招公傍有知者欲覺其事當奈何上慨然大息

曰吾惟聽命于天耳後三日其人果至與語辭色無相

害意乃謝遣之復旬日又有來告曰先欲覺者不欲自

爲今屬他人發之公宜審禍福決去就是時元將徹里

不花率兵欲復濠城憚不敢進惟日掠良民指爲盜擄

賞民愈洵洵相扇動不自安 上以四境逼迫詭言日
甚不獲已乃以閏三月甲戌朔旦抵濠城入門門者疑
以爲譟執之傷面欲加害聞于郭子興召見奇而留之
命長九人謀于其妻張氏配以養女卽 馬皇后也軍
中號曰朱公子時與子興同事者四人一曰孫德崖其
三曰俞魯潘四人性麤獷智識皆出于興下子興易視
之議事多不合四人怒協謀傾子興子興時多家居希
出外庭每視事四人常先至以待比子興至又悻悻輒
起去四人乃專決之自是會集日簡或數日始一出此
則四人瞠目直視子興不自安謂 上曰諸人若此奈

何 上曰此無他乃簡會至是耳子興曰然明日卽出
同視事未數日復止自是積疑猜防是歲九月元丞相
脫脫攻破芝麻李于徐州其黨彭早住趙均用率餘衆
奔濠脫脫命賈魯追圍之事急解嫌防禦城得不破二
人本以窮蹙來歸然素有名號德崖等與子興反屈已
下之遂爲所制早住頗有智數肇權自用均用唯唯而
已子興禮彭而輕趙趙銜之德崖等遂與均用謀伺子
興出執之通衢械於孫氏將殺之 上奮死救得出于見
傳其冬賈魯與月哥察兒復圍濠力拒之明年癸巳春
賈魯死五月圍解城中乏食 上謁友人得鹽數引易

米于懷遠可數十石膽子興家早任自稱魯淮王均用
稱永義王 上見兵衆死傷多六月歸鄉里糾得七百
餘人還子興喜以 上爲鎮撫時彭趙暴橫日甚 上
慮禍及以七百人歸子興獨與徐達湯和吳良吳禎花
雲陳德顧時費聚耿再成耿炳文唐勝宗陸仲亨華雲
龍鄭遇春郭興郭英胡海張龍陳桓謝成李新張赫張
銓周德興凡二十四人南略定遠中塗遇疾歸甚危凡
半月乃甦僅三日子興扶筇過門嘖嘖若有所憂且歎
者 上聞之向左右問狀答曰有民兵號驢牌寨者孤
軍匱乏且無所屬欲來降未決主帥將遣人招之念無

可行者故惋悵耳 上矍然曰此機不可失卽強起詣
子興請行曰吾固知非爾不能辦此然爾疾方愈奈何
上曰此豈高枕養病時耶稍遲將爲他人所得問用幾
何人 上曰人多則彼疑十人足矣乃選騎士費聚等
二人步卒九人從行至定遠界復病三日而起未瘥強
行又六十里至大橋再病三日而瘥卽日又南行至寶
公河隔水望其營管中見 上至勒兵以待步卒懼欲
走還 上謂曰彼衆我寡走將安之且彼縱騎以躡我
後必不能免汝等且勿恐但隨我入其營觀去就頃之
營中遣二將出舉手大呼曰來者爲何 上遣人答曰

來與主帥議事二將歸告其帥復出曰請下馬上下
馬以久病步甚艱前阻水費聚見彼疑慮有他欲代
上渡而往 上曰今與君至此禍福共之豈可代耶乃
同往既至其帥出迎曰公遠來郭公必有所命 上曰
我公與足下有舊聞足下軍艱食他敵欲來攻特遣吾
相報能相從卽與俱往否則移兵避之其帥諾請留物
爲信 上解所佩香囊與之彼以牛脯爲獻謂 上曰
請先還俟諸軍趲裝卽詣軍門 上將還慮其不誠留
費聚伺之後三日聚還告曰事不諧矣彼且欲他往
上卽率兵三百人復抵其營謂曰汝爲人所凌怨尚未

復今從我而北恐不能釋憾於彼我助汝兵可以報之
帥且諾且疑設備甚至上觀其情狀非可言諭謀以
計取之適里人有勇力者過其前上謂曰吾欲用爾
能乎曰惟命乃密告以計使往誘其帥來會潛約我衆
俟其至則聚而觀去卽開而縱之如是者三使彼不疑
遂就縛令五十人擁以行其營中不知也行十餘里乃
遣人喻曰爾帥已前往觀營地可移軍來就於是其衆
皆出卽焚營悉驅以還得壯士三千人後七日率之而
東夜襲元知院老張于橫澗山入之老張棄軍逃降其
民兵男女七萬得精壯二萬人又秦把頭者聚衆八百

餘結寨定遠谿鼻山招降之定遠繆大亨初聚兵爲元
攻濠城不克元兵潰去大亨率衆二萬來降時吳復馮
國用丁德興胡淵儲興皆聚衆保鄉里各率所部歸附
又聞洪山寨有衆數千 上率諸將往取之丁德興獨
麾所部百人先進一鼓而下擒其帥衆皆降 上集諸
軍諭之曰各寨兵非不多一旦盡爲我有何也士無紀
律不訓練雖多何爲今空一聽節制步伐止齊無不如
式勦力成功業在此時矣衆皆羅拜曰諾七月往取滁
州李善長來謁留掌書記時掌者已數人特命爲督且
曰兵爭方始非有智者不可與謀吾觀羣雄中持案牘

者衆及謀事多毀左右將士將士進不得盡其才退而憤憤腹心羽翼漸成乖刺相繼敗亡勢所必至汝宜鑒之務輯和諸將以收成功遂與俱攻滁州下之何世隆來降并取鐵佛崗攻三汊河口收全椒大柳諸寨未踰月彭趙挾子興往泗州遣人來邀不赴未幾二人爭權部曲乘而鬪多創死彭亦中流矢死獨趙均用存并彭故部曲狼戾益甚銜子興必欲殺上憂之使人說曰公昔困于彭城南趙濠使郭公閉壁不相納死矣得濠而踞其上更欲害之背德不祥且郭公易與耳其別部在滁者兵勢重可慮也不若善遇之姑借其力拒元兵

伺間圖之未晚均用悟乃得少寬 上又賂其左右曰
郭公居肘腋間旦夕恐有變不若縱去之爲便子興乃
得將萬人至滁州 上所部已數萬人軍容整肅悉歸
之奉其號令居再閱月子興惑讒言悉奪 上兵又欲
收李善長置麾下善長涕泣自訴不肯行 上曰主人
之命不可違也終不肯去久之亦勿召乃止自是征討
之權 上皆不得與且日疎遠而事之愈恭旣元兵圍
滁有任某者忌 上譖云戰不肯力子興信之令與任
俱出戰任出未十步卽被矢反走 土直前奮擊衆皆
披靡徐還了無所傷子興頗內愧又嘗與三伯人出城

顧聞鶉鴒聲飛矢墮空中心異之遽還俄而敵兵驟至
一無所獲時諸將各有所獻 上所至禁撈掠有得卽
分部下無所獻子興甚不悅故煩言得入 馬皇后悉
所有遺子興妻張氏張喜疑釁漸釋甲午七月滁大旱
上憂之滁人楊元杲曰滁之西南豐山陽谷栢子潭有
龍祠水旱禱之輒應旣禱或魚躍或龜鼉浮皆雨兆也
上聞卽齋浴往禱禱畢立潭西崖久之無所見乃變焉
注矢祝曰天旱如此吾爲民致禱神食茲土其可不恤
吾今與神約三日必雨不然神恐不得祠于此也祝畢
連發三矢而還後三日大雨 上卽乘雨詣祠謝是歲

滁大熱十月元丞相脫脫圍高郵分兵圍六合其帥使人請救使者與上有故夜半至請開門納之子興素與帥有隙怒不應上曰六合破滁不獨存唇齒也可以小嫌值大事乎子興意少解問諸將誰可往者時元兵號百萬畏之皆以禱神不吉爲解上自請行子興令禱于神上曰事可否當斷于心何禱爲遂出師與耿再成據瓦梁壘爲聲援元兵急攻壘垂破日暮去之明旦復完壘與戰如是者數四上以計給之歛兵入舍備糗糧遣婦女倚門戟手大罵元兵相視錯愕環壘不敢逼遂列陣而出牛畜婦女居前丁壯翼之徐徐引

去元兵不敢近遂還滁州旣而元兵大至欲攻滁上
乃設伏澗側令卬成佯走誘之度澗伏發皆下馬走城
中鼓譟而出元兵大敗獲其馬甚衆是時雖戰勝然元
兵尚強恐益兵來攻上謀欸其師乃具牛酒歛所獲
馬遣父老送還令告其帥曰城主老病不任行謹遣犒
軍城中皆良民所以結聚備他盜耳將軍加兵欲獮戮
民固畏死非得已也將軍幸撫存之惟軍需是供今高
郵巨寇未滅非併力不可奈何舍寇分兵攻良民予其
帥信之謂其衆曰非良民豈肯還馬卽日解去滁城以
全上以四方割據稱雄者衆戰爭無虛日又旱蝗相

仍人民饑饉死者相枕席心甚憂之乃禱于天曰今天
下紛紜羣雄並爭迭相勝負生民皇皇墜于塗炭不有
所屬物類盡矣願天蚤降大命以靖禍亂苟元祚未終
則羣雄當宐蚤息某處其中請先自某始若元祚已終
羣雄之中當膺天命者蚤歸之无貽生人覬危某存亡
之機驗于三月及期上兵益盛趙德勝來歸姊子保
兒亦至時子興名稱尚微且無意遠畧欲都滁自王
上謂一山城舟楫不通商賈不集非形勝不可居乃止
乙未正月戊午朔糧竭諸將謀所向子興言計多失
上數諫不聽鬱鬱致疾再三召乃往因命定計上曰

惟和陽可圖然城小而固可以計取難以力勝子興曰
如何 上曰向攻民寨得其青號衣曰廬州義兵今擬
製三千領選勇敢士令椎髻左衽衣之以四橐駝載賞
物聲言廬州兵送使者入和陽賞賚將士和陽見之必
納因以絳衣兵千人繼其後相拒十餘里候青衣薄城
舉火爲應絳衣兵卽鼓行而前取之必矣於是命張天
祐湯和等將青衣兵趙繼祖爲使者前行耿再成將絳
衣兵繼進戊寅天祐等至陡陽關和陽人聞之以牛酒
出迎會日午天祐等就食他道失期不至再成候之見
過期不舉火意天祐已入城遽率衆抵城下城中人始

覺有兵元平章也先帖木兒閉城門以飛橋總壯士出戰再成不利中矢走元兵追三十餘里至千秋壩會日暮收兵還天祐等始至適與元兵遇急擊之元兵敗追至小西門湯和奪橋而登大呼衣服相亂反據城拒外兵也先帖木兒遁去再成等竟不知也敗卒歸報謂天祐等皆沒子興大驚咎上失策俄報元兵至遣使來招降子興益恐召上與謀時兵皆出城中守備單弱上令合滌三門兵于南門外使填塞街市呼元使者入叱令膝行見子興諭之多失辭上每翼之衆欲殺使者上曰兵出城虛若殺其使彼謂我怯故殺之以滅

口是速其來也不如恐以大言縱使去彼必不敢進從之元兵乃却時和陽信猶未至命上以二千人往收敗卒再謀進取中塗遇再成復得千餘人少息期初昏人燃十炬爲疑兵而自率徐達等乘夜直造城下始知天祐已據城使謝成呼之天祐至左右舉火上免胄示之乃入明日撫定城中初天祐雖勝懼不能守欲收子女財物歸滁及上至人心始安乃與諸將爲城守計已而元兵來攻自西門踰墮轉北上開門擊之元兵阻墮大敗走于興遂命上總守和陽檄至不發時諸將皆比肩惟湯和率所部聽命甚謹餘皆未肯讓乃

密令人撤去廳事公座惟置木榻俟旦會以觀衆情及
五鼓諸將皆先入 上獨後至時坐席尚右諸將坐已
滿惟虛左未一席 上卽就坐不爲異遇事衆但直視
如木偶人獨 上剖決如流咸得其宜衆稍屈服乃先
覽城分工刻期 上所分地與徐達等已告成餘皆泄
泄未就 上作色寘座向南出所命之辭陳于上令諸
人前拜曰此主帥命也非我敢擅且總兵大事當嚴約
束自今敢違令者正軍法諸將皇恐始帖服不敢犯初
城破時多殺掠民間夫婦不相保 上獨出見一小兒
立門外問曰爾何爲兒曰候我父曰爾父安在曰在官

養馬問其母曰亦在官門下與父不敢相顧但以兄妹
稱我不敢入故竊候之 上爲之惻然卽召諸將曰軍
無紀律何以安衆凡所得婦女當悉還之明日搜出聚
州治前令婦女居內男子列外門兩傍縱婦女相隨而
出令其自認去於是室家得完民大感悅辛巳元兵十
萬來攻 上以萬人拒守連兵三月屢出奇破之及夏
乃解城中乏糧元太子禿堅及樞密副使絆仔馬民兵
元帥陳瑩先各遣兵分屯新塘高望及青山雞籠山道
梗不通 上卽往攻之拔其傍寨明日進抵雞籠山側
方解鞍少息忽有異風來觸 上疑和陽有急分兵還

備復假寐俄有蛇緣上臂左右驚告上視之蛇有

足類龍而無角上異之祝曰若神物宜棲我帽纓中

蛇徐入上舉帽戴之遂詣敵營設辭喻之寨帥請降

乃還師未至和陽三里有卒持戟至言賊來攻城幕官

李善長督兵却之殺獲甚衆上喜因忘前蛇坐久方

寤脫帽視之蛇居纓中自若乃引觴酌因以飲蛇蛇亦

飲遂蜿蜒繞神櫝矯首四顧復俯神主頂若鏤刻狀久

之升屋而去莫知所之人咸以爲神龍之徵未幾敵衆

皆遁去孫德崖饑以其衆來和陽境就食請入城假留

數月上慮拒則示弱且相仇殺爲人所乘遂開門納

之子興聞怒來視師 上度其夜至命候者來告躬迎之其人有舊隙故不以報子興至館 上亟往見子興

怒瞠目不言久之已而曰汝爲誰答曰某子興曰汝罪安迺 上曰罪有之家事緩急皆可理外事當速議問

何事 上曰仇人在此彼衆我寡禍且立至子興嘿然德崖果遣人謂 上曰若翁至吾將它往 上驚急報

子興爲備而過德崖留之不可然察其無它意卽謂曰兵多請分爲二部曲先發公爲後繼德崖聽之其半已發有餞者邀 上與俱因出城二十里報城中軍亂急呼耿炳文吳禡策騎而還孫軍中大呼來追未能及頃

之遇彼軍出城者抽刀扼道 上倉卒無兵器挺身入
其中一人直前忿曰城人賊殺我軍汝寧不知 上曰
送友出城何自而知勿聽持 上馬銜擁而行 上曰
爾衆我寡何用如是傍有勸者乃釋銜 上得脫疾馳
追者箭集于背甚多透胸微傷如麥粒轉展十餘里復
爲短兵所及墜馬顧路有乘馬者與 上有舊呼與同
載遂奔躍乘其馬背負而行復數里遇德崖弟欲加害
有張某者素嘗受德解之曰孫公在城存亡未可知萬
一無事先害朱公子則孫必不免得無兩傷姑少待吾
往視焉張入則子興鎖德崖項與之飲酒張歸告且曰

幾害兩命衆怒猶未釋張懇切管救夜與同寢明日復
羈入麻湖中又明日徐達等奉子興命來易始得歸孫
亦釋歸子興性暴急實欲殺德崖聞上被留驚憂又
不得逞悵悵發病死歸葬滁州季女事上爲惠妃四
月常遇春來歸用爲前鋒德崖聞子興死欲來統其衆
子興之子甚懼邀上共守以拒上方與元戰不能
及諸將亦不悅乃止時劉福通奉韓林兒居亳遣人來
招張天祐往上盡平和陽西南民寨天祐還致命以
子興之子某爲都元帥天祐及上爲右左副元帥
上曰大丈夫寧能爲人所制不受命未幾和陽食盡謀

欲渡江苦無舟楫時巢湖趙普勝

號雙刀趙一日李

廖永安命

廷玉等結水砦自固爲廬州妖賊左君弼所困欲來附

上謂徐達等曰方謀渡江而湖中水軍至吾事濟矣五

月親率兵往會就觀水道時銅城關馬腸河諸隘口皆

爲元中丞蠻子海牙所扼惟一小港可達然水涸不通

大艦已而注雨兼旬川谷流溢素非行舟處皆深丈餘

上喜曰天贊我也遂乘漲發巢湖舟魚貫而出至黃塹

普勝有異志永安等密露其機上以兵寡不能驅衆

謀脫歸以大衆脅取之乃聲言歸發兵攻海牙遂以商

舟多載猛士復至黃塹普勝已叛去引舟東歸經潯陽

橋衆恐舟大不能渡比至纔餘分寸悉泊河陽方降舟
未至遣人誘海牙軍互市執之得十九人皆善操舟者
令教諸軍水戰海牙阨峪溪口 上麾諸將合擊敵舟
高大不利進退我舟如飛左右並奮大破之得趨和陽
遂定渡江之計

附錄

第三葉十六七行

張龍

龍溪州人初名隆避諱改有勇力形質魁岸習騎射江淮兵起龍隸滁陽王麾下高皇在甥館龍

委心

效順從畧定遠得數百人授總管每戰皆有功從

徐常

二將軍攻潛山取安慶陞都左先鋒龍江之師從

鄧愈

力戰殺傷相當獨率銳騎大呼直入擒中堅大敗

之又

從常將軍救長興大捷戰鄱湖邀擊禁江口友諒

敗死進降陳理陞正千戶所至先登受賞丙午守禦海
安敗張兵於海口隨征中原山陝副守潼關調守鳳翔
改其補指揮使領宗哲來攻破却之克鳳州隸徐將軍
取興元卽留鎮守蜀將吳友仁來攻敗去再至又敗之
以病召回陞都督僉事操練北平十一年副費公平西
番明年封鳳翔侯祿二千石十四年副征雲南鎮七星
關給雲南城安輯其民論功進世襲加祿五百石尋副
衛公平金山再征雲南達軍叛追至重慶悉獲之又明
年勦苗蠻悉降其衆召回榮軍衛州赴大同等處屯種
梁軍平陽城龍里衛賜黃金千白金五千歸老二十九
年八月謝賜墳戶上願謂曰汝誠老矣重賚之明年
卒賜祭墓子麟洪武乙丑尚福清公主授駙馬都尉孫
餘魯

孫綱

陳桓 恒涿州人長軀偉貌有膂力冠亂徒軍 上在涿

城來歸渡江充副先鋒敗陳友諒于龍江陞元帥

總兵從平姑蘇克慶元陞指揮使洪武三年設功晉督
督僉事改左府從征雲南與胡海郭英別將丘五萬由
永寧趨烏撒自赤水河進師大破其衆與主帥額川侯
晉克大理諸夷悉平修治各處城池論功封晉定侯仍

任東川等處克復雲南
不可勝計二十六年卒

謝成 成涿州人少有勇略從高皇舉義成功授總管

揮使都督僉事晉王府相副沐英平西番及洮州十八

族封永平侯祿二千石十六年同諸公侯備北邊二十

七年卒田宅俱賜汪嬰

李新 新涿州人世務農業至新以村勇聞兵亂結少年

戶至留守都督僉事九年陞會大郝府事十三年

轉中府十五年封崇山侯祿千五百石後數年卒

張赫 赫涿州人元末集兵保鄉里嘉山繆把頭招之勿

州從討方國真降之送入京師積官福州衛指揮使二

年海上倭寇調經東碕水寨捕殺甚多陞都指揮使同知

多獎諭復俸一年召回陞都督府僉事遠東漕運方艱

往督東中辛酉歲一行壬戌東椒山寇作亂收捕平之

復加獎仍督運甲子後連四運封航海侯祿二千石世

事復三運庚子疾卒追封恩國公諡莊簡子三榮指揮
使未幾卒孫鑑指揮使捕倭漳泉擒海寇楊總從討廣
西鑑督以功受賞留鎮交趾曾孫寧同時朱
壽輝上戰功并海運皆與赫同封輔輔侯
張銓銓定遠人有勇善射喜譚兵從上征伐中原大
于青州以勞民勅停四年周德興征五谿蠻平之
再平散王諸洞定其常後有言從潁川侯征雲南破
曲靖再破烏撒諸蠻侯
祿二千石二十九年

第五葉十一行

繆大亨大亨定遠人初起義兵為元攻濟不克元兵潰
散大亨率其衆二萬從元將屯橫湖山固守
月餘乃率衆降上聞其智勇用為將從征屢有功渡
江皆預有顯績擢大元帥上聞軍大通江命大
亨率師取楊州一鼓克之統軍元帥張明鑑得兵
數萬馬二千匹上喜其忠同舍樞密院事統江淮
等處軍民有治才取事多惠愛洞燭人情擇賢
扶弱凡剖決獄訟曲盡其情甚悅服及卒民哀之如

親奏朝廷遣官祭之日繆將軍平生端直在
諸將中未嘗有過今不見矣惜哉墓丹徒縣西

十三行

胡潤

潤字子淵定遠人才識精敏有勇力自橫山歸附

出兵常居前部每戰必捷昇山姑蘇尤著目百戶

孫正

指揮使十四年南征既平留鎮軍政悉舉境內寧

廷貴都指揮妻范有賢德入朝中官蒙賞賜子琛字

廷貴

學有丰度掌金齒司事典學訓農

與興

與原陽人戰格有勇力兵亂與二弟珍通先衆歸

自問歷指揮會事中原大定進指揮同知尋進中

守任十餘年威惠並著軍民安之卒二弟皆

第六集三行

何世隆

世隆滁州人沉勇有決斷兵亂糾鄉兵守城以

信義爲衆所服

太祖兵至率所部歸附授萬

人軍已

卷一

一

戶仍守潯丙申陞右副都元帥盡
心撫輯軍民以安于寅卒于官

第七葉五行

楊元果

元果字次素世業儒好學以文雅稱甲午對時
甬之由上以志士目之留侍左右贊謀議明

年遷江克金陵擢江南行中書省右司員外郎與侯
元善為安阮弘道同事尋陞本司郎中出入委任甚效
勞勛于寅二月金華苗軍作亂殺守將命往總理軍儲
卒召還陞應天府尹練達政體上益重之念其勤勞
令世襲鎮撫未幾疾卒于貢俸儀貌博學淹貫工
詞翰世為任大名知縣洪武末年陞趙府紀善

第九葉六七行

張天祐

天祐涿州人嫡妻郭子興育才力用事凡有兵
事皆與上同行汝瑒來招諸將謂天祐曰公

任度雖重事象繁元兵于不然公當往遂行得

其都元帥左右副元帥而還渡江戰死

天祐

天祐涿州人育勇力從舉義隸潯陽王麾下
上在潯時掌兵柄繼祖傾心以附上特親信

之每戰必從取鎮江陞副元帥克常州陞院州兵
守與元帥郭天麟鎮撫吳良攻江陰州張士誠兵
望山拒我師力戰會大風雨張兵奔潰我師
據山翌日遂克其城後與邵榮同謀亂誅

江南定鼎

乙未六月乙卯朔 上率徐達馮國用邵榮湯和李善
長常遇春鄧愈耿君用丘廣廖永安各引舟渡江將出
江會日暮忽軍後數十里黑雲蔽天雷電風雨大至舟
遂止丙辰黎明將渡雲分兩道右由西南左由東北俱
覆牛渚磯時西北風起艣艦齊發軍士皆譟躍 上與
永安舉帆前行永安請所向 上曰采石大鎮其備必
固牛渚磯前臨大江彼難爲備今往攻之必克乃引帆
向牛渚風力稍勁頃刻及岸守者驚駭出兵來拒 上
麾甲士先登遇春應聲奮戈躍而上諸軍繼之鎮兵驚

潰遂拔之采石兵亦潰去緣江諸壘望風迎附諸將以和陽久已饑乏見糧畜各欲輦取而歸上答諸軍無進取意乃謂徐達等曰今舉軍渡江幸而克捷當乘勝徑取太平若聽諸軍掠財物以歸再舉必難江東非我有大事去矣因令悉斷舟纜推置急流中東下諸軍大驚問故上曰成大事者不規小利此去太平甚近舍此不取將何爲衆聽命乃令軍中皆食食已卽率衆自觀渡向太平橋直趨城下元平章完者不花萬戶萬鈞達魯花赤普里罕忽里閉城拒守上縱兵急攻遂拔之完者不花與僉事張旭等棄城走執其萬戶納哈出

太平路總管新義出東門赴水死 上聞之曰義士也
具棺歛葬之耆儒李習陶安等率父老出城迎 上安
見 上狀貌訓習等曰龍姿鳳質非常人也我輩今有
主矣 上之發采石也先令李善長具榜戒戢軍士比
入城卽張之旗旣克士卒欲剽掠見榜愕然不敢動有
一卒違令卽斬以徇城中肅然富民陳趙獻金帛卽以
分給丁巳改太平路爲太平府以李習知府事實太平
興國翼元帥府諸將奉 上爲大元帥 上命李善長
爲帥府都事潘廷堅爲帥府教授汪廣洋爲帥府令史
陶安參幕府事命諸將分守各門修城浚濠以固守禦

辛酉元右丞阿魯灰副樞絆住馬中丞蠻子海牙等以
巨舟載采石江閉姑孰口絕我歸路方山寨民兵元帥
陳堃先以衆數萬來攻城其鋒甚銳上按兵城上登
其無他奇謀乃遣徐達鄧愈湯和引兵出姑孰東迎戰
復命別將潛師由間道繞出其後達等轉戰至城北絕
有雙龍見陣上雲端敵衆方仰視驚愕我師因夾擊之
堃先腹背受敵大敗生擒之上釋不殺與之語堃先
性諂詐謂上曰生我爲何上曰天下大亂豪傑並
起假號令據城邑者不知其幾然勝則人附敗則附人
爾既以豪傑自負必能識達事機豈不知生爾之故堃

先曰然則欲吾軍降乎 上曰然楚先曰此易爾軍之
將較皆我親故喻之卽來乃爲書招之明日衆皆降阿
魯灰蠻子海牙等見楚先兵敗不敢復進率其衆還駐
峪溪口甲子徐達克深永州秋七月甲申朔攻集慶路
留陳瑄先於太平命元帥張天祐率諸軍及楚先故部
曲以行兵至集慶攻之弗克而還八月甲寅朔復議攻
集慶初瑄先以書招降其衆實激之別爲計不意遽降
自念失計心恆不自安及聞再出師私謂其部曲曰汝
等攻集慶毋力戰俟我得脫還當與元合有以其謀告
者 上曰吾久知其不誠然殺之恐失豪傑心乃召瑄

先謂曰人各有心識見不同從元從我任汝所適不相強也堃先指天自誓乃縱之還旣去我師亦止不行克溧陽縣戊辰堃先旣歸收其餘衆屯于版橋陰與元福壽合而陽報于上曰十二日率師至臺城八里岡與遇殺獲不可勝計生擒五人獲馬數十匹因言集慶城池三面據水以山爲郭以江爲池地勢險阻不利步戰昔王渾王濬造戰船謀之累年而蘇峻王敦皆非陸戰以取勝隋取江東賀若弼自揚州韓擒虎自廬并楊素自安陸三道戰艦同時俱進然後克之今形勢如此元帥與苗軍聯絡其中連寨二十餘里攻城則慮其斷後

立寨則糧不能繼竭力前進脫有不虞反爲後患莫若
進兵南據溧陽東據鎮江屯險阻絕糧道示以持久可
不攻而自下也 上知其詐以青報曰歷代之克江南
者晉之殄吳隋之平陳曹彬之取南唐皆以長江天塹
限隔南北故須會集舟師始克成功今我大軍旣渡江
據其上游彼之天險我已越之彼之咽喉我已扼之舟
師多寡不足深慮捨舟進步足以克捷自與晉隋勢殊
事異足下效勦宣力正宜乘時進取共建勲業奈何舍
全勝之策而爲此紆迴之計也下丑遣裨將習伯容攻
蕪湖縣克之真永昌翼以伯容爲萬戶九月癸未朔陳

堃先旣得書知其詐不行復謀以計致 上密約左答
納識里至其營佯言生得之給 上臨軍受俘 上曰
此賊多詐最叵信姑許之不往丁亥 皇長子生戊戌
命元帥張天祐攻集慶己亥天祐等至方山破左答納
識里營走之堃先遂與元福壽合兵來拒戰于秦淮水
上我師失利天祐郭元帥皆死郭元帥子興之子也已
酉堃先追襲我軍于溧陽經葛仙鄉鄉寨民兵百戶盧
德茂惡堃先反覆謀殺之遣壯士五十人衣青衣出迎
堃先旣過自後擊仆地攢槊刺死其下復推堃先從子
兆先領其衆納哈出者木華黎裔孫也 上初獲待之

甚厚納哈出居常鬱鬱不樂 上遣降將萬戶黃儔登
其去就納哈出曰苟主公不殺誠難爲報然我本北人
終不能忘北儔以告 上上曰吾固知其心也謂徐達
等曰彼元之世臣心在北歸今強留之非人情也乃召
納哈出及降臣張御史謂之曰爲人臣者各爲其主况
汝有父母妻子之念今令汝歸仍從汝主因資而遣之
海牙復率舟師進扼采石阻絕南北欲伺間攻太平
上知之乃命治石礮截以巨艦選精兵守要害待之丙
申二月 上擊海牙于采石設疑兵分其勢而以大兵
薄之及戰遇春衝其中敵舟分爲二縱擊大破之俘獲

萬計海牙齊集慶三月辛巳朔 上水陸並進癸未至
江寧先破兆先營擒之降其衆三萬六千人擇驍勇者
五百人寘麾下衆頗疑懼 上覺之至暮令悉入衛屏
舊人于外獨馮國用兄弟侍臥榻 上解甲酣寢達旦
衆始安且相語曰旣活我又以腹心待我敢不盡力及
攻城多先登陷陣庚寅 上進兵集慶行臺御史大夫
福壽出戰擊破之壽閉城拒守將士以雲梯登入之壽
猶督兵巷戰兵潰坐伏龜樓前指麾左右更拒戰或勸
之遁壽叱而射之督戰不已遂死于兵平章阿魯灰叅
政伯家奴及集慶路達魯花赤達尼達思等皆戰死獲

其御史王稷元帥李寧等三百餘人海牙走投張士誠
水寨元帥康茂才苗軍元帥尋朝佐許成劉哈刺不花
海軍元帥葉撒及阿魯灰部將完都等各率衆來降凡
得軍民五十餘萬 上人城悉召父老人民慰諭

見大訓記

城中軍民皆喜悅更相慶慰辛卯 上周覽城郭謂徐
達曰金陵險固古所謂長江天塹真形勝地也倉廩實
人民足吾今有之諸公又能同心協力以相左右何功
不成達曰成功立業要非偶然今得此殆天授也乃改
集慶路爲應天府寘天興建康翼統軍大元帥府以廖
永安爲統軍元帥趙忠爲興國翼元帥守太平得儒士

夏煜孫炎楊憲等十餘人皆錄用之寘上元江寧二縣
上既定金陵欲募兵取鎮江慮諸將不能禁戢士卒爲
民患明日召諸將數以寬縱士卒之過欲寘之法李善
長懇救乃免于是命徐達等將兵以往戒之曰吾自起
兵未嘗妄殺今汝等兵往當體吾心戒戢士卒城下之
日毋殺戮毋焚掠有犯令者處以軍法縱之者罰無赦
諸將皆頓首曰謹受命丙申徐達湯和張德林廖永安
等進兵攻鎮江丁酉克之苗軍元帥完者圖出走守將
段武平章定定戰死達等自仁和門入號令嚴肅城中
晏然民不知有兵七月朔諸將奉 上爲吳國公以元

御史臺爲府置江南中書省 上兼總省事以李善長
宋師頗爲叅議李夢庚郭景祥爲左右司郎中侯原善
楊元杲陶安阮弘道爲員外郎孔克仁陳養吾王愷爲
都事王瑋爲照磨夏煜韓子魯爲博士長捨元帥謝國
璽據寧國寇廣德鄧愈擊敗之擒其總管武世榮獲兵
千人丁酉四月徐達常遇春攻寧國謝國璽棄城走守
臣別不華楊仲英拒守不能下其將朱亮祖出戰遇春
中流矢前後喪士卒七千人 上親督師登高望曰如
斗之拔敢抗吾師造飛車編竹爲蔽數道並進仲英等
不能支開門降百戶張文貴殺妻妾自刎死擒朱亮祖

得軍士十餘萬馬二千餘匹屬縣皆降七月戊寅鄧愈
胡大海取績溪庚辰進兵徽州守將八思兒不花及建
德路萬戶吳訥等拒戰擊敗之遂拔其城訥與守臣阿
魯以退守遂安縣追及于白際嶺復擊敗之訥自殺丙
戌元帥葉公權等取黟縣丙申胡大海克休寧進攻婺
源元將楊完者率兵十萬欲復徽州大海還師與戰城
上大敗之殺其鎮撫李才完者遁去九月婺源州元帥
汪同等來降命仍其官十月辛未朔上聞軍大通江
命元帥繆大亨取楊州戊戌正月乙卯鄧愈遣部將王
烈孫虎及汪同孫茂先等取婺源州兵至城西與元將

鐵木兒不花戰自旦至晷殺傷五百餘人不下乃分門
逼之茂先攻北門王弼孫虎攻南門汪同攻東門三道
並進復殺三千餘人遂拔其城斬鐵木兒不花復遣前
戶朱國寶攻高河壘克之三月丙辰克建德路先是行
樞密院判鄧愈親軍左副都指揮朱文忠元帥胡大海
率兵由徽州昱嶺關進攻建德道出遂安未及三十里
長槍元帥余子貞以兵來拒愈等擊敗之獲馬百餘匹
追至淳安敵聞風奔潰復追擊二十餘里獲其戰船三
十餘艘降其兵三千人遂安守將洪某率衆五千援淳
安大海復敗之生擒將士四百餘人獲馬三十餘匹至

是軍抵建德元叅政不花院判慶壽長槍元帥謝國璽
達魯花赤喜伯都刺總管楊瑀棄城遁父老何良輔等
率衆降壬戌改建德路爲建德府完者來攻鄧愈擊之
殺其將李副樞衆潰降其溪洞兵三萬人四月完者以
舟師攻徽州胡大海擊破之擒其將黃牛兒等尋改建
德李文忠擊敗之獲其萬戶羅壽完者遁去尋屯烏龍
嶺窺伺鄧愈擊走之六月癸酉朱文忠率兵取婺之浦
江縣縣有鄭氏者自宋聚族同居至元旌表爲義門復
其家及是家衆避兵山谷間文忠訪得之悉送還家禁
兵士無侵犯八月元江浙同僉員成遣苗軍元帥泰不

花奉書來納款時楊完者已見殺衆皆潰散部將員成等欲爲報仇遣泰不花來請降且言所部元帥李福等三萬餘人在桐廬皆願效順上乃命朱文忠往撫之元帥夏子實以步騎千人統其衆送員成于建康十月辛未胡大海取蘭谿初大海至婺之鄉頭擒萬戶趙伯顏不花雲完都等平其五壘是日進攻蘭谿敵兵千餘出戰敗之克其城獲廉訪使趙秉仁等十四人立闔越翼元帥府分兵守要害遂進攻婺州壬午克開化生擒達魯花赤脫脫帖木兒十一月甲子上以婺州未下親帥師十萬徃征之庚辰上自宣至徽召故老者儒

訪民事禮待之悉從其言

見大訓記

壬午至婺命掾吏周得

遠入城招諭不下督兵圍之先是元叅政石抹宜孫守

處州聞大軍克徽州進攻婺與叅謀胡深章溢議爲守

備造獅子戰車數百輛以其弟石抹厚孫守婺令深等

爲援自率衆萬餘出縉雲應之深至松溪聞上至觀

望不敢進上謂諸將曰婺倚石抹宜孫故未肯卽下

聞彼以車載兵來援此豈知變者松溪山多路狹車不

可行令精兵衝之其勢必破援兵旣破城中絕望可不

勞而下翌日命胡大海養子德濟誘其兵於梅花門外

縱擊破之擒前鋒元帥李彌章并獲所製驚馬器仗深

等遁去漢之來也晨起見西北有黑氛東南有白氛其
長亘天頃之白氛爲黑氛所蕩漢知不吉恐衆心驚懼
謬曰今日有殺氣戰必勝已而戰敗城中勢益孤臺憲
將臣畫界分守意復不相能於是同僉審安慶與都事
李相開門納大兵廉訪使楊惠葵州達魯花赤僧住皆
戰死執其南臺侍御史帖木烈思院判石抹厚孫廉訪
僉事安慶以下官甲申 上入婺州下令禁戢軍士剽
掠有親隨知印黃某取民財卽斬以徇民按堵城未破
先一日有五色雲見城西氤氲如蓋城中望之以爲祥
及城下乃知 上駐兵之地丙戌真中書分省於婺州

調中書省左右司郎中李夢庚郭景祥爲分省左右司
郎中中書省都事王愷爲分省都事中書省博士夏煜
爲分省博士中書省管勾樂鳳爲分省管勾以汪廣洋
爲照磨儒士王禪韓苗楊遵趙明可蕭堯章史炳宋冕
爲掾使立金華翼元帥府以袁貴爲元帥吳德直副之
改婺州路爲寧越府以儒士王宗顯爲知府帳前總管
陳從貴兼知東陽縣事總兵三百戍之義兵元帥呂兼
明兼永康縣帳前總管王道同爲義烏知縣楊苟爲武
義知縣命甯安慶仍同僉樞密分院事隨軍征進以李
爲提控掾史月給米十石賞其勦降之功也辟儒士

范祖幹等會食省中日令二人進講經史敷陳治道選
寧越七縣富民子弟宿衛號曰御中軍民間女曾氏自
言通天文談禍福惑衆 上以爲亂民戮于市巳亥正
月乙巳 上既撫定寧越

未幾改爲金華府

集諸將諭以嚴紀

律取浙東未下州縣毋得擄掠殃民巳亥正月縉雲諸
生曹進德亦上書言時事 上覽而善之儒士許瑗王

冕來見應對稱 旨留瑗幕府署冕諮議叅軍命寧越

知府王宗顯開郡學延葉儀宋濂爲五經師戴良爲學
正吳沉徐原爲訓導時喪亂之餘學校久廢至是始聞
絃誦之聲無不欣悅五月辛亥 上將還應天召胡大

海于紹興諭曰寧越爲浙東重地守須得人吾將歸以爾爲才特命爾守之其衢處紹興進取之宜悉以付爾宋伯顏不花在衢州其人多智術石抹宜孫守處州善用士紹興爲張士誠將呂珍所據皆與寧越密通宜與常遇春同心協力俟間取之此三人皆勍敵不可忽也仍命左右司員外郎侯原善都事王愷管勾樂鳳綜理錢糧軍務六月壬戌朔上自寧越還建康七月壬辰朔遇春率兵攻衢州建奉天旗樹柵圍其大門造呂公車仙人橋長木梯懶龍爪擁至城下高與城齊欲階以登又從大西門大南門城下穴地道攻之宋伯顏不花

等悉力備禦以東葦灌油燒呂公車駕千斤秤鈎懶龍
爪用長斧斫木梯築夾城防穴道遇春攻弗克乃以奇
兵出不意突入南門甕城毀其架砲圍凡兩月餘攻擊
無虛日元院判張斌度不能守密遣其下納降是夕引
軍士十餘人出小西門迎大軍入城宋伯顏不花猶未
知督兵拒戰俄頃城中舉火軍已入城衆潰總管馮浩
赴水死擒宋伯顏不花及院判朶等得糧八千石改
衢州爲龍游府以武義知縣楊荀知府事初上既定
婺州卽命耿再成駐兵縉雲之黃龍山謀取處州元守
將石抹宜孫遣元帥葉琛屯桃花嶺叅謀林彬祖屯葛

渡鎮撫陳仲賢照磨陳安屯樊嶺元帥胡深守龍泉以拒我師久之將士怠弛皆無關志深知宜孫必敗間道來降且言處州兵弱易取大海聞之喜出軍抵樊嶺與再成合攻之大敗其兵連拔桃花嶺葛渡二砦十一月壬寅薄城下石林宜孫戰敗走葉琛章溢走建寧遂克處州林彬祖走溫州於是處州七邑皆下庚子二月庚申元行省叅政守福寧州袁天祿遣古田知縣林文廣來納款初乙亥歲福建義兵萬戶饒甫丁阿米里丁據泉州陳友諒兵入杉關攻陷邵武汀州延平諸郡縣群盜乘勢竊發闔地騷動天祿輩知元勢日衰故遣文廣

納款文廣以其年六月由海道出溫爲方國珉所留至
是脫身得達時福清州同知張布伯亦遣其屬張景仁
李世忠來請降 上皆厚賞之遣還招諭三月徵青田
劉基龍泉章溢麗水葉琛金華宋濂至建康初 上在
婺州旣召見宋濂及克處州又有薦基及溢琛者 上
素聞其名卽遣使以書幣徵之時總制孫炎先以 上
命請基至是四人赴建康入見 上甚喜賜坐從容問
曰四海紛爭何時而定溢起對曰天道無常惟德是輔
惟不嗜殺人者能之 上喜其言甚禮貌之六月壬
子樞密院判耿再成敗石抹宜孫於慶元縣初 上克

婺州獲其弟石抹厚孫并其母令以書招宜孫不至及
克處州宜孫遁入建寧收集士卒欲復處州因歎曰處
州吾所守之地今已失之無所往矣城可復則復不可
復則死死則歸爲處州鬼耳遂攻慶元縣知縣曾壽不
屈遇害俄而再成兵至擊敗之宜孫走竹口遇鄉兵某
得新接戰兵潰欲還福建道經桃花坑又爲鄉兵葉月
巖等所邀擊宜孫力戰死其部將李彥文收其屍于龍
泉縣都事孫炎以聞 上嘉其盡忠死事遣使祭之復
處州民所立生祠時 上已大破陳友諒于龍灣取江
州降龍興及袁瑞諸郡耿再成胡大海鎮浙東朱文忠

鎮嚴州屢破土誠兵皆有次第而先楊完者降平分置
金華等處頗得其力顧野心難馭至是謀亂在金華者
壬寅二月癸未其帥蔣英等殺胡大海郎中王愷總管
高子玉協同簽寧安慶院判張斌從已典史李斌懷印
緹城走嚴州告變于朱文忠遣元帥何世明掾吏郭彥
仁帥兵討之至蘭溪英等懼驅掠城中子女西走降張
士誠世明軍入城張斌復來降文忠亦率將士至金華
鎮撫乃定丁亥處州苗軍元帥李佑之等聞蔣英已殺
胡大海亦作亂殺院判耿再成都事孫炎知府王道同
及朱文剛等據其城文忠聞亂遣元帥王佑等率兵屯

縉雲以圖之 上遣平章邵榮往討既至分攻燒其東
北門軍士登城李佑之自殺處州平于是設浙東等處
行中書省陞同僉朱文忠爲左丞楊憲胡深爲左右司
郎中開省金華總制衢處廣信嚴諸全軍馬明年磴陳
友諒于鄱陽湖還討張士誠

臣國禎曰王天下有三重焉朱夫子以德位時當之臣
謂三者時爲最重時者天也德非聖人自不能乘時而
天意所屬又因地因人嘿啟而牖其機以居其位漢唐
以上其地重在關中帝王應運歷歷可指自弱宋被金
元蹂躪其王氣漸移于南故 太祖生于淮甸地勢平

術非用武之國江左上控湖湘下臨吳會自金陵而宣
而徽而婺首枕長江迤邐漸于海上乃東南之脊土與
民淳又多耆宿及山溪勇悍善戰之士得其地并得其
人橫截以守則上下二寇皆不得通而我撫循教訓足
食足兵沛流而上決一死戰建瓴而下謀出萬全兼天
地人叅之大勢已定長驅而北批吭擣虛漠南旣空西
極底定然後分列大藩屯種相望學較肇興休息垂三
十年重地復完 文皇遂徙都燕京南北並峙絜矩而
天下平由此觀之 太祖直是整頓三重還之造化先
天而天不違千古一君于斯爲盛未可以古今南北兼

併之概泛論也

續論曰朱子生新安萬山中當宋未造其學沂周程繼孔子修身爲本正家爲則循循善誘由新安沿浙東及建南皆其熟遊敷教之地隸藉門下者三百五十人篤信謹守卽有僞學之禁覺得愈煉愈堅其時胡元取宋二王入海獨此數郡不被兵革世家大族雖不免遣子弟從俗出仕以支門戶而率其宗黨確守朱氏之學毫髮不失當是時普天陷沒獨于此留得一段渾淪不散之脉自相授受真儒輩出金張何許皆萃于婺源濂師吳淵穎親得其傳設席受徒益盛 太祖首取金陵凡

常州池州皆託諸將獨寧國婺州親行駐于婺者且八月會食省中以集群儒設御中軍以收武用而景濂爲之師因之徵及伯溫章葉三君子其後立綱陳紀制禮作樂皆此數人主議政令取其疏通文字惟尚平正君臣間意合講求一以四書六經爲本五帝三王先聖先師並重皆朱子訂正之舊也是宋朝講明道學朱子集大成傳之門弟子以俟我 太祖盡見行事天意使然嘿嘿延之以待再造若黑海中一點清泉反而注崑崙之頂重開嶽瀆泣天地育萬物豈不盛哉抑斷續之際豈不危哉夫道者天地之元氣人生之命根行者行此

明者明此不講不明不明不行天有四民農言耕工言
藝商賈言貿易士不言學所言何事固曰賸者亂真然
涇渭自明崇真可以祛賸滅賸可免侮真以胡元所不
能斬者公然肆行曰脉曰衣鉢曰門戶多立名色以陷
正人極于附妖孽殺真儒卽此輩亦不料禍至此極并
其身納之坑塹中也 聖主龍飛擴然反正名其爲逆
罪乃可定先之攻擊者幸免于僂尚爲孝子慈孫所諱
則 太祖餘烈諸儒千百年逋傳精神終不可磨滅也

附錄

第十八葉三行

丘廣廣國初從征年最少勇略冠軍取江南諸郡縣破敵龍潭頂上游諸戰功陞指揮使從征廣西攻靖江方特西城濠水為固獨輕兵大隄水洞築土山接于城遂克之進破恩州蠻黃英餘等斬之撫其餘眾陞都督余事卒上

第二十三葉十行

親為文以祭

趙忠忠國初從征渡江聯取太平溧陽等郡邑有功授總管丙申大破海牙寨於江面覆方山營進克集慶上定都以太平為股肱郡命忠為典國翼元陣守之未幾擢興國分院判丁酉五月常遇春遣忠與元陣王敬祖攻池州之青陽縣徐壽輝將趙普勝出兵來拒敬祖以十餘騎衝其陣陣亂忠麾眾乘勝疾擊遂破之克其寨十月從常將軍攻池州破其北門入城斬元陣洪某擒其副將得糧幾萬石陞行樞密院判鎮池州戊戌四月乙巳壽輝平章陳友諒遣普勝自樞陽來寇忠出禦之戰沒于陣養子王鼎襲職

十七行

已

已

張德林

德林鳳陽人有膽略善戰元末為義兵長上取滁州來歸授千戶渡江屢功陞分院元帥擊

敗張兵于泰興遂克之攻泰州高郵州同耿再成守揚州有威惠軍民輯睦

第二十四葉二三行

宋師顏

師顏初仕元歸附上克太平用為幕官贊謀議從克金陵置江南行中書省上總省事同

李善長為參議建大都督府兼參軍事屢進謠言見大訓記後僉河南按察司事

李夢庚

夢庚從起兵即侍梓曜參謀議渡江皆從甚見委任丙申置江南行中書省為左司郎中與郭

景祥分司治事職紀兵政二年加秩參軍謝再與守諸暨以私通張士誠召還命往節制軍事再與遂叛被執

遇害後祭于雞鳴山時侯原善為金華知府死雞子孫皆世襲所鎮撫

郭景祥

景祥字仲德漳州人善謀斷博涉書史從倡義委身兵間克滁州縣治城濠從取和陽領兵擊

殺群盜厄渡江為右司郎中直諫遇事取言上察知之曰汝文官也有折衝禦侮之能且盡忠于我由是甚

見親信進秩參軍命城和州九旬而成甚壯不獲于民
仍舊職總制和州軍民宜武布德歲仍大稔百廢具舉
飭農事廣屯田甚當
上意勞以

阮弘道 弘道潯州人嗜文學通吏事 太祖取潯陽來
附給事左右遂見信用從渡江為右司員外郎
甚著勞勩佐朱文正守洪都友諒東圍同諸將竭力
捍禦陞宜徽院使江福行省參政卒官世襲鎮撫

二十行

孫虎

虎壽州人剛勇善戰嘗為義兵長 上駐金陵來
附從諸將敗趙善勝于柘陽副鄧愈取婺源攻南

門拔其城克嚴州從

上取婺州克諸暨授千戶領兵

守建德進克新城桐廬取杭州陞指揮副使嘉興盜起

率兵捕斬之調征福建皆有功三年北征從李文忠出
東路兵至落馬河北與元太尉買驢戰死贈都督僉事

追封樂

安郡伯

孫茂先

茂先從渡江歷戰皆先登授管軍德管從鄧愈
取徽州卽留鎮并克婺源屢敗張兵從克陳友

諒定上將諸郡副帥愈鎮襄陽方北征自南陽唐州會大將軍取晉冀三年陞指揮使

第二十五葉四行

朱國寶

國寶避諱專名寶屢從征有功楊完者數入寇皆擊破之克高河壘進取嚴州敗張士誠兵性

剛死

帥

第二十九葉十七行

袁天祿

天祿守福寧州太祖既取婺州已亥三月方國珍以溫紹慶元三郡獻十一月胡大海又下

處州

七邑天祿見主師無敵知天命有在遂來納款以

州降

上嘉勞之賜書褒獎謂群雄割據昧于理勢妄

自尊大而取禍敗者接踵當天祿請降兵雖臨越然未

入關自昧者視之猶可高枕肆志天祿乃能明辨幾先

歸于有德以自全初不俟計窮勢

蹙而始屈嗚呼後傑固如是哉

高子玉

子玉從胡大海取江南青蕪宣舉等州歷有戰功從上取婺州已亥攻下諸暨遂于處州

七邑為總管守之死難時有行省林吏章誠被執賊脇降不屈亦死

何世明

世明歸附從渡江克采石太平金陵鎮江授元帥丁酉毘陵既下遂取寧國縣宣徽等州元右

丞楊完者以舟師攻徽州世明擊敗之擒其將黃牛兒等戊戌攻下青陽石埭太平旌德克嚴州從李文忠守

繁復從上取婺州已亥正月克諸暨二月張士誠遣

將攻嚴州世明領兵從小北門出過鮑婆嶺由碧溪場

與戰大破之四月士誠兵至大溪灘世明率精銳出西

門過烏龍嶺道胥口沿江而上復敗其衆自是賊兵不

復敢窺嚴陵矣庚子以文忠命領兵克分水縣破其堅

壘斬五百餘級士誠兵皆潰十二月甲子士誠遣陸元

帥花將軍復據分水新城之三溪世明率兵千餘攻之

斬陸元帥花將軍數千人焚其營壬寅二月金華之變

文忠遣世明率兵討平之處州苗變世明領兵往屯

雲邊侵軼肅之尋伏誅浙東平乙巳築新城因攻

山捷于紫溪復克清溪世明事丙午從取錢塘

丁未擊處州青田寇從朱亮祖取溫州皆預有功

九十行

王道同道同初為中書省宣使尋為帳前總管除義烏知縣陞處州知府為賊所逼不屈而死追封太

原和

朱文剛文剛上養子也賜姓朱小字榮舍從定江左有功授元帥已亥十一月王師克處州七邑皆

下上以其郡多反側命院判耿再成與文剛同守之

政治一新軍民悅服壬寅二月七日處州帥李祐之謀

叛再成與文剛聞變急欲收兵殺賊不及上馬以劍斫

賊大罵之賊遂殺再成文剛亦遇害贈鎮國將軍附祭

功臣廟又有養子朱文遜從定江左郡邑累有功德

元帥已亥八月上以無為州逼近肘腋未附命文遜

取之遂與元帥秦友諒率兵力攻遂克其城尋命守太

平陳友諒來寇守將花雲與文遜以兵三千拒戰文遜

皇明大事記卷之一終